



Aqqalu C. Jerimiassen  
Atassut

UPA 2024/60  
23. april 2024

**Isumaginninnermi, ilinniartitaarnermi peqqinnissamillu isumaginnittoqarfiit silassorissuusialq atorlugu sullissisinnaanerannut Inatsisartut isumaat takorluugaallu pillugit apeqquteqaat aallaavigalugu oqallisissialq.**

(Inatsisartunut ilaasortaqaq Asii Chemnitz Narup, Inuit Ataqaatigiit)

Apeqquteqaat aallaavigalugu oqallisissialq immikkut soqutiginaatik, qujanaqaarlu qaqinneqarmat.

Ullutsinnimi teknologi ullormiit ullormut siuariaateqartarpoq, nunatsinnili kisimi ingasappallaaluatsiartumik kinguaattooqqalluni.

Silassorissuusiamullu atuilernissatsinnut sinerissamiluunniit attaveqaatit suli sukkassusaat aaqqinneqaqqajanngitsoq, isumannaallisaanikkullu avataaniit pulaffigineqarsinnaanermut misillertareerluta, suli annertungaatsiartumik eqqarsarnarpoq silassorissuusialq qanoq annertutigisumik atorsinnaaneripput.

Silassorissuusialq atorluarneqarsinnaanermigut pitsaaquteqarpassuaqartoq qularnanngilaq. Namminerlu oqallisissialqartup oqariartorneratuut, ilinniarfeqarfinni ChatGPT atorluarneqalereersimalluni.

Aap, atorluarneqaqaaq taannalu pitsaasumik kinguneqartortaaq arlalitsigut qularnanngilaq. Taamaattorli ilinniartuunitta nammineq nalaani nalaattarsimasagut tassaapputtaaq, tamakkua atortorissaarutit silassorissuusiallu kikkut isai atorlugittaaq sanaajunersut nalilernerqarsinnaappata.

Assersuutissatullu tikkuaalaassagaanni, suliffeqarferujussuup Amazon-ip ukiut qulit matuma siorna silassorissuusialq Alexa pilersippaat, taannalu alutorineqarsimaqaaq saqqummeqaarnermini, takornartaasanngilarmi sulluunniit nutarsiassaasinnaasut allanartut nutaaliat alutorineqarluartarmata, eqqarsaatiginngitsuukkajunneqartartorli taamaattuni ataaseq tassaakkajuppoq, suut ajoqutaaratarsinnaaneri. Soorlu Amazon Alexa pilersinneqarmat, ajoqutaasinnaasutut takkuittorneqarsimasut tassaapput, namminiussuseqarnissap illersungaansaa, eqqunngitsumik paasissutissiisoratarsinnaanerup peratarsinnaanera ilaalu ilanngullugit. Sooq taanna assersuutitut atorerlugu assersuuteqalaarsinnaavunga; Alexa pilersinneqareernermini oqaluutiinnarlugu aperisagaasoq 2020-imi USA-mi qinersinermut tunngatillugu aperingaanni akisarsimavoq, qinersinerooq eqqunngitsumik tillitaasumik suliaasoq. Taamaammat tutsuiginassusaa tassuuna innarlertoorsimalluni.

Taamaammat atorluassagutsigu eqqanaaqqaartariaqakkagut arlalissuit qimerloortariaqarpagut, ingasammik peqqinnissaqarfipput eqqartorneqassappat.



Soqutiginarpoq oqallisissiaq, neriuttalu maani eqqartorneqartut malillugittaaq naalakkersuisut arlaatigut eqqarsaasersuuteqalerumaartut periusissiorlutillu silassorissuusiap qanoq isumannaatsumik tutsuiginartumillu atorneqarsinnaanerunissaannut.

Minnerunngitsumillu sumiiffinni attaveqaasersuutitigut sanngitsuumik inissisimasuni, silassorissuusiap atorneqarnissaanut pitsaanerpaamik peqartissagunikkit Starlink periarfissatut ammaassinnaalerumaaraat kisermaassinermut inatsit illikaallalaariarlugu.

Atassummiit apeqquteqaat aallaavingalugu oqallisissiaqartoq qutsavigaarput, neriullutalu inerisitaqarfiusinnaasumik periartoqarsinnaajumaartoq naalakkersuinikkut.